


# საქართველოს



იმისთანა წმინდა საცემში,  
ბრძოლით ბეჭდუდი სიფყვას,  
ცყილებით და ჭაბრით ბუბთის  
გაცანა ყველა უკადრისდბაზე  
უსამაგლესია.

**დაარსებულია**  
1918 წელს.

პარასკევი, **29** ნოემბერი, 2013 წელი.

№230 (7358)

# რესპუბლიკა

ელექტრონული ფოსტა: sakresp@mail.ru და sakresp@wanex.ge ვებ გვერდი: www.open.ge ფასი 50 თეთრი.

## სწრაფი რეაბილიტაციის ლაბორანტი

რა თქმა უნდა, საზოგადოებას სჭირდება განსხვავებულთა მშვიდობიანი თანაარსებობა, რომ არა-ვინ არავისგან არ დაიხაროს, რომ ძალადობა ყოველთვის დასაგმობია. მაგრამ, ამ მეთოდებით: სოციალურ ქსელებში მოიერიშე ჯგუფების ჩამოყალიბებით, რომლებიც მიმართავენ ცილისწამებას, დემაგოგიას, პიროვნების დისკრედიტაციას, შეცდომაში შეჰყავთ ახალგაზრდობა, შეგნებულად თუ შეუგნებლად გამოდიან გარკვეული (თუ გაურკვეველი) პოლიტიკური თუ ფინანსური ძალების ინსტრუმენტად, - რომ ვერ მოხერხდება განსხვავებული სექსუალური ორიენტაციის მქონე ადამიანთა მშვიდობიანი თანაარსებობა დანარჩენ საზოგადოებასთან (პირიქით, მათ მწერლის წინააღმდეგ წამოწყებული ამ კამპანიით ბევრი დამცველი დაკარგეს)! და ჩნდება შეკითხვა: მართლა უნდა ამ ჯგუფს მშვიდობიანი თანაარსებობა? ამ ბოლო შემთხვევის ანალიზი გვაძლევს ეჭვის გამოთქმის საშუალებას



თბილისს სურს, უკრაინა ევროკავშირში იხილოს, მაგრამ ხელისუფლებას განზრახული არა აქვს, ჩაერიოს სუვერენული სახელმწიფოს საქმეებში

**ნარმანიაზე ბიუჯეტი გადაარჩინა?**

ფარმაცევტული სექტორი ცვლილებების წინ ნიღაბს იმყარებს

**მემორიალი პრინციპული მახსიერების სიმბოლოდ**

**პენსია უნდა იყოს კაცს თუ კაცი პენსიას?**

**აშენებლის რა პერსპექტივა აქვს ანაკლიის პორტს?**



**რასაც ჩვენს გაზეთში წაიკითხავ, სვამბან ვერ ნახავ!..**



არის ასეთი აზრიც

რუსეთის დღევანდელი პრეზიდენტი ულიმლამო არარაობად ითვლება. „რას ჰგავს“ — ჯერ ერთი...



პუტინის ფანოქანი

ვირდეთ, რა დიდოსტატურად აკეთებს საქმეს ყველაფრის მიუხედავად.

უკრაინა ბოხოტრობს, აბოტეტებს, ანგრესს, გლეჯს, მოითხოვს... მაგრამ მართლა უკრაინა მოითხოვს თუ მხოლოდ მისი პროდასავლურ-ვესტერნიზებული ელიტა?

ვითომ მხოლოდ ნავთობის ან ბირთვული იარაღის გამო? ბირთვული იარაღი და ნავთობი საბჭოთა კავშირს რომ ჰქონდა...

დიას, დიას, არა ამერიკა, რომლის ბოლოდროინდელი გონებაჩლუნგმა და მოხლე მმართველებმა თავისი დიდი ქვეყანა ესოდენ დააკნინეს და რამდენჯერმე კიდევ შეარცხინეს, არამედ სწორედ „არარაობა პუტინის“ რუსეთი განსაზღვრავს ამჟამად მსოფლიო პოლიტიკის დღის წესრიგს.

პო, მართლა, ალბათ, „გაზპრომმა“ მოისყიდა „Forbes“-ი, რომელმაც ეს „ულიმლამოზა“ (ქართული „პროდასავლურ-სვეტსკი“ საზოგადოებისა და ვესტერნიზებულ ფსევდოინტელექტუალთა მუდმივ ამრეზას რომ იწვევს) მსოფლიოს ყველაზე გავლენიან პოლიტიკად დაასახელა.

ამ ლოგოკით, ყველაზე გავლენიანი პოლიტიკოსის მისი უდიდებულესობა აბდალლა იბნ აბდელ აზიზ ალ საუდი უნდა იყოს, რაკი საუდის არაბეთში მოპოვებული ნავთობის თვითღირებულების გათვალისწინებით, მსოფლიო ბაზარზე ნებისმიერ დროს შეუძლია თერმობირთვული გავლენა მოახდინოს. მაგრამ არა — ის „სიმახიჯე და არარაობა“ პუტინია დღეს მსოფლიოში ყველაზე გავლენიანი პოლიტიკოსი.

ისე, გარეგნობა მართლა არ უწყობს ხელს. ჩვენი „ლა-მაზი და ახოვანისგან“ განსხვავებით, ანუ ცნობილი პიანისტის საჯარო ექსტაზის თემა იგი ნამდვილად ვერ გახდებოდა. მაგრამ, რაც შეეხება პოლიტიკას (რომელიც, როგორც ცნობილია, შედეგით ფასდება), დავაკვირდეთ...

მძლოლთა საყურადღებოდ!

ნასპამ მძლოლებს მართვის უფლება შეუჩერდებათ

შინაბან საქმეთა სამინისტროს ინიციატივა, რომელიც არაფსიზელ მდგომარეობაში მყოფი მძლოლებისთვის ადმინისტრაციული პასუხისმგებლობის გამკაცრებას და ფულადი ჯარიმების მართვის უფლების ჩამორთმევით შეცვლას ითვალისწინებს, პარლამენტმა დაამტკიცა.



ადმინისტრაციული სამართალდარღვევათა კოდექსში“ შესატანი ცვლილებები, რომლის განხილვასაც პარლამენტმა ოთხ თვეზე მეტი მოანდომა, მესამე მოსმენით დაამტკიცეს. შსს-ს პროექტის პირველდღეობა ვარაიანტი პარლამენტში მნიშვნელოვნად გადაიშუადა. მიღებული ცვლილებების ფარგლებში, მთლიანად შეიცვალა არსებული ადმინისტრაციული სანქციები მუსლზე, რომელიც ალკოჰოლური, ნარკოტიკული და ფსიქოტროპული სიმთვრალის მდგომარეობაში სატრანსპორტო საშუალების მართვას, ასევე ასეთ მდგომარეობაში მყოფი პირისთვის სატრანსპორტო საშუალების მართვას, აგრეთვე, სატრანსპორტო საშუალების მართვისას ალკოჰოლური სიმთვრალის დასადგენად შემოსწმენისთვის თავის არიდება გამოიწვევს მართვის უფლების შეჩერებას ექვსი თვის ვადით, 18 წლის ასაკის მიღწევამდე პირისთვის კი, მართვის უფლების შეჩერებას — ერთი წლის ვადით.

აღნიშნული სამართალდარღვევის განმეორების შემთხვევაში, ადმინისტრაციულ სახდელდადებული მძლოლები 700 ლარის ოდენობით დაჯარიმდებიან, მართვის უფლების შეჩერების ვადა კი, ერთი წლით გაეზრდება. ამავე ცვლილებების გათვალისწინებით, სატრანსპორტო საშუალების მართვად გადაცემა წინასწარი შეცნობით, ალკოჰოლური სიმთვრალის მდგომარეობაში მყოფი პირისთვის, გამოიწვევს დაჯარიმებას 1000 ლარის ოდენობით, ხოლო იგივე სამართალდარღვევის წლის განმავლობაში განმეორება — 1500 ლარის ოდენობით.

თუკი ნასპამ მდგომარეობაში სატრანსპორტო საშუალებას ისეთი პირი მართავს, რომელსაც მართვის უფლება არ აქვს, ან ეს უფლება სხვა დარღვევების გამო აქვს შეჩერებული, გამოიწვევს მის დაჯარიმებას 1000 ლარის ოდენობით, იმავე ქმედების ერთი წლის განმავლობაში განმეორება - 1500 ლარის ოდენობით.

გარდა ამისა, პარლამენტის მიერ დამტკიცებული ცვლილებებით, სატრანსპორტო საშუალების მართვის უფლება სამი წლის ვადით შეუჩერდებათ მძლოლებს, რომლებიც სატრანსპორტო საშუალებას ნარკოტიკული ან ფსიქოტროპული სიმთვრალის მდგომარეობაში მართავენ. იგივე სანქცია იქნება გამოყენებული მათი მხრიდან ნარკოტიკული ან ფსიქოტროპული სიმთვრალის დასადგენად შემოსწმენის თავის არიდების შემთხვევაში.

ასევე სატრანსპორტო საშუალების სამართავად გადაცემა წინასწარი შეცნობით ნარკოტიკული ან ფსიქოტროპული სიმთვრალის მდგომარეობაში მყოფი პირისათვის, გამოიწვევს დაჯარიმებას 1000 ლარის ოდენობით. 1000-ლარიან ჯარიმასთან იქნება დაკავშირებული ქმედება, როცა ნარკოტიკების გავლენის ქვეშ მყოფ მძლოლს არ აქვს მართვის უფლება, ან ეს უფლება შეჩერებული აქვს სხვა დარღვევების გამო. მკაცრდება სანქცია არაფსიზელ მდგომარეობაში მყოფი მძლოლებისთვის, როცა სატრანსპორტო საშუალების მართვას სატრანსპორტო საშუალების, ტვირთის, გზის, საგზაო თუ სხვა ნაგებობის, აგრეთვე, სხვა ქონების, ან ადამიანის სხეულის მსუბუქი დაზიანება მოჰყვება.

ალიან-ჩალიანი

ნათია ლაზაშვილი დაიკითხა

ირაკლი ოძრუაშვილის დაცვის თანამშრომლების წინააღმდეგ საქმეზე თბილისის საქალაქო სასამართლოში ყურნალისტი ნათია ლაზაშვილი დაკითხეს.

აღნიშნული საქმე საქალაქო სასამართლოში არსებითი განხილვის ეტაპზე მიმდინარეობს. საქმეზე ბრალდებულია ოქრუაშვილის დაცვის 6 თანამშრომელი, მათ შორის, დაცვის ყოფილი უფროსი იოსებ ფეიქრიშვილი და კიდევ ერთი მოქალაქე. ბრალდებულებს ბრალად წარდგენილი აქვთ 2007 წლის 27 სექტემბერს ირაკლი ოქრუაშვილის „ქართული პარტიის“ ოფისში დაკავების პერიოდში სამართალდამცველებისთვის წინააღმდეგობის გაწევა. თუმცა, ბრალდებულები აღნიშნულ ბრალდებას უსაფუძვლოდ მიიჩნევენ და აცხადებენ, რომ მათ დაკავებას 2007 წელს პოლიტიკური სარჩული ედო.

როგორც ირაკლი ოქრუაშვილის დაცვის ყოფილმა უფროსმა იოსებ ფეიქრიშვილმა განაცხადა, 2007 წლის 27 სექტემბერს ირაკლი ოქრუაშვილის დაკავების პარალელურად, ოქრუაშვილის დაცვის სამსახურის 6 თანამშრომელი დააკავეს და შემდეგ გირაოს სანაცვლოდ გაათავისუფლეს. საქმის განხილვა კი, მისი ინფორმაციით, საქალაქო სასამართლომ ერთი წლის წინათ დაიწყო.

რაც შეეხება ყურნალისტი ნათია ლაზაშვილის დაკითხვას, ლაზაშვილი წარდგენილი ბრალდების პერიოდში ირაკლი ოქრუაშვილის თანამშრომლებს დაკავების მოტივი ირაკლი ოქრუაშვილი იყო და ამ ყველაფერს რომ პოლიტიკური სარჩული ედო, ნათელია და დაცვის მხარე ეცდებოდა სასამართლო განხილვების პერიოდში სიმართლე დაამტკიცოს. სასამართლო პროცესის 7 ბრალდებულის წინააღმდეგ საქალაქო სასამართლოში 3 დეკემბერს გაგრძელდება. ინტერპრესი

გიზნისი და ხელისუფლება

# ნარკანია ბიუჯეტი გადაარჩინა?

მართი კომპანიის მონაწილეობით ჩატარებული ვითომ-და „ტენდერები“, რომლებშიც გამარჯვებული აუცილებლად ნაციონალური ხელისუფლების ერთგული, მათთან დაახლოებული ფირმა ხდებოდა, „ტენდერები“, რომლებშიც წარმატებულის კორუფციული გარიგება ნაცების უმეტეს შემთხვევაში შეუიარაღებელი თვალითაც კი აშკარა იყო, წინა ხელისუფლების ცნობების ყოველდღიურობა გახლდათ.

ახალი ხელისუფლების მოსვლის შემდეგ ტენდერებისადმი მიდგომა რადიკალურად შეიცვალა. გადაინიჭდა ადრე ჩატარებულთა შედეგები. გამოჩნდა, რომ ბევრი პროექტი ხარვეზებით იყო სავსე. არ იყო გათვალისწინებული ეკონომიკური უკუგება, ტექნიკური გამართულობა და ა. შ. რის გამოც პროექტების უმეტესობა შეჩერდა. მაგრამ შესწავლა დროში იმდენად გაიწვია, რომ ინფრასტრუქტურისა და რეგონალური განვითარების სამინისტრომ ვეღარ მოასწრო ახალი კონკურსების გამოცხადება, ამას შედეგად ის მოჰყვა, რომ ვერ მოხერხდა გამოყოფილი თანხების სრულად ათვისება.

პარლამენტის საფინანსო-საბიუჯეტო კომიტეტის თავმჯდომარის დავით ონოფრიშვილის განცხადებით, რადგანაც მიზეზთა გამო ვერ მოხერხდა ინფრასტრუქტურისა და რეგიონალური განვითარების სამინისტროსთვის გამოყოფილი თანხების ათვისება, ეს თანხები სხვა ხარჯებისთვის გადაინაწილდა.

წინა ხელისუფლებაში მყოფი ამჟამინდელი საპარლამენტო უმცირესობა ვაი-უშველებელს ტყბს – ბიუჯეტი მილიარდ ლარამდე ირღვევაო. ისინი ფინანსთა მინისტრმა ნოდარ სადურმა დაამშვიდა. – ბიუჯეტი კანონიერად ხარჯები მთლიანად დაფინანსდება და ამ კუთხით ქვეყანას, ხელისუფლებას პრობლემები არ შეექმნებაო. ხადური აგრეთვე ამირებს მთელი რიგი სამინისტროების მიერ აუთენტიკური თანხების ბიუჯეტში მოხილვას, რის შემდეგაც ფინანსთა მინისტრმა, შესაძლოა, პარლამენტის საბიუჯეტო ცვლილებებით მიმართოს და ზოგიერთი ხარჯის გაზრდაც კი



მოითხოვოს. ხადურმა ბიუჯეტის საშემოსავლო ნაწილის შესრულების პრობლემებსაც გაუსვა ხაზი. მას შემდეგ, რაც ხელისუფლება შეიცვალა, რაც ბიზნესი და ბიზნესმენები სამთავრობო წიხიდან განთავისუფლდნენ, პროკურატურა, ფინანსთა სამინისტრო აივსო საჩივრებით: დაზარალებულები ჩიოდნენ, რომ წინა ხელისუფლების ზენოლით მათ ბიუჯეტის სასარგებლოდ უკანონოდ ზედმეტ თანხებს ახდევინებდნენ. იყო წინასწარ იძულებითი გადახდის ფაქტებიც. ფინანსთა მინისტრი ამბობს, რომ საჩივრების დეტალურად შესწავლის შემდეგად გამოიკვეთა სახელმწიფოს ვალი მენარმეებისადმი – მილიარდ 500 მლნ ლარი. სწორედ ამ ვალს მოხმარდა საბიუჯეტო თანხები, აქედან

შედეგად – ბიუჯეტი ვერ ივსება. – ასკვნის ხადური. „ვარდოსნები“ კი არ ითვალისწინებენ რა რეალობას, მათ მიერ ჩადენილ შეცდომებსა თუ დანაშაულებს და თავისას უბერავენ. მიხეილ მაჭავარიანს მთავრობის პოზიციური განწყობისა არ სჯერა და „უცილობლობა ვითა ჯორი“ 2013 წლის ბიუჯეტს 800 მლნ აკლდება, 2014 წლის ბიუჯეტი ისეა დაგეგმილი, თითქოს მიმდინარე წლისა შესრულდეს.

ნაციონალურ არც ეკონომიკის მინისტრის, ვიცე-პრემიერ გიორგი კვიციანიშვილის განცხადება აკმაყოფილებთ. ვიცე-პრემიერი არ მალავს, ბიუჯეტი შემოსავლების ნაწილში ვერ შესრულდება იქიდან გამომდინარე, რომ ეკონომიკური ზრდა მეტობით იყო დაგეგმილი. თუმცა, მინისტრი ხაზგასმით აღნიშნავს, რომ ბიუჯეტით დაგეგმილი სახელმწიფოს ყველა სოციალური ვალდებულება შესრულდება.

ხადურის განმარტებით კი წლებულს ბიუჯეტში იმაზე მეტი თანხა შევა, ვიდრე დაიხარჯება. ბიუჯეტის დეფიციტი 2 პროცენტამდე დავა. თუმცა, არც რეალობას გაურბის და ამბობს, ეს იმის გამოა, რომ ნაციონალურ დატოვებული ტენდერები გაუქმდა, პროექტები შეჩერებულიაო.

ექსპერტი ეკონომიკის საკითხებში ირაკლი ლექვიანი განმარტავს ბიუჯეტის გარღვევითი საშემოსავლო ნაწილის შევების ორ გზას: 1. გაზრდილი ვალი, 2. ნაშთი. მისი ინფორმაციით ფინანსთა სამინისტრო ვალის აღებას არ აპირებს (საშინაო, საგარეო). გადამჩენად რჩება ნაშთი, ასკვნის ექსპერტი ეკონომიკის საკითხებში.

წინა ხელისუფლება რომ დარჩენილიყო, სად იქნებოდა ნაშთი. ყველაფერი ტაშ-ფანდურში, ღრუბებში, საზღვარგარეთ მრავალრიცხოვანი დელეგაციების გამგზავრებაში, ნაცელის რჩეული ქალბატონებისთვის ძვირადღირებული საჩუქრების შექმნასა და ა. შ. დაიხარჯებოდა.

ზაზა ბილინოძე

რუფისა და ტიტანები მიღია

# ლიდერების დეფიციტი საქართველოში

მართლში პოლიტიკური გარემო ახალ ეტაპზე გადადის – 2014 წელს მას ძლიერი პოლიტიკური ლიდერები აღარ ეყოლება. მიდის ორივე, პრეზიდენტი მიხეილ სააკაშვილი და პრემიერ-მინისტრი ბიძინა ივანიშვილი და საქართველოს პოლიტიკური არენა მიმდინარეობს პოლიტიკოსების გარეშე რჩება, რადგან არც ახალარჩეულ პრეზიდენტს გიორგი მარგველაშვილს და არც ახალდანიშნულ პრემიერ-მინისტრს ირაკლი ღარიბაშვილს არ აქვთ მაგნიტიზმის მათეული ხარისხი. სიტუაციის ირონიულობა კი ისაა, რომ საქართველო ახლა შედის თავისი განვითარების ისეთ ეტაპზე, როდესაც სჭირდება კარგად ორგანიზებული, მოტივირებული და ძალიან სანდო პოლიტიკური ცენტრი. აღმოჩნდა რა რთულ მოპაექრე ინტეგრაციულ პროექტებს შორის (ასეთი პროექტებია რუსეთის მიერ ინიცირებული ევრაზიული კავშირი, ნატო, ევროპული პარტნიორობა და ჩინეთის ინიციატივები), დღეს საქართველოს, როგორც არასდროს, ისე სჭირდება ძალების მობილიზება ძლიერი, პროდასავლური ლიდერების ხელმძღვანელობით, რათა მან შეძლოს ევროატლანტიკურ სივრცეში ინტეგრირების რეალიზება.

იმისა, რომ ქვეყნის განვითარებასა და ქმედითი ინსტიტუტების განმტკიცებაზე გამახვილდეს ყურადღება. ძლიერი, ქარიზული ლიდერის და ფართო პოლიტიკური მხარდაჭერის გარეშე, ორი ახლადნარმოქმნილი კრიზისი დაარღვევს, ალბათ, ისედაც არასტაბილურ ბალანსს. პირველი ეკონომიკის ზრდის ტემპის შენელებაა და გარდაუვალი უკმაყოფილება ეკონომიკით, მეორე – დანაშაულებული პოლიტიკური სივრცით მანიპულირება გარეგანი აქტორების მიერ, რად-

ლოს მოსახლეობის ნახევარს არ მიუღია მონაწილეობა ოქტომბრის საპარლამენტო არჩევნებში.

ევროპული თავიანთ პოლიტიკურ ცენტრზე, რუსეთის ფედერაციაზე. მაგრამ ბევრი პოლიტიკური და ეკონომიკური ინდიკატორით რუსეთში 2014 წელს რეცესია დაიწყო. ეს კი იმას ნიშნავს, რომ რუსულ-ქართული ურთიერთობები კიდევ უფრო დაიძაბება და რუსეთი კიდევ უფრო მეტად აგრესიული გახდება საქართველოში. რუსეთის აგრესიულობის პერსპექტივა საფრთხეს უქმნის დასავლეთის გაველენას საქართველოში და შეიძლება პროდასავლური პარტიების გაერთიანების იმპულსად იქცეს. ამ ტიპის კოალიციამ შეიძლება წინააღმდეგობა გაუწიოს რუსეთის ზენოლას და დასავლელ პარტნიორებთან ერთად იშრომოს ევროპულ და ევროატლანტიკურ ინსტიტუციურ სტრუქტურებში საქართველოს წარმატებული ინტეგრაციის უზრუნველსაყოფად.



საქართველოს პოლიტიკური სისტემა ამ ბოლო დროს გარდაიქმნა საპრეზიდენტო სისტემიდან პიბრიდულ სისტემად, სადაც პრეზიდენტის ძალაუფლება გაყოფილია პარლამენტთან და პრემიერ-მინისტრთან. ამ ცვლილებით, ერთ ძლიერ პიროვნებაზე დაფუძნებული სისტემა ისეთი სისტემით შეიცვალა, რომელსაც ძლიერი და კარგად ორგანიზებული პარტიული სისტემა სჭირდება. ამ ვითარებაში, დასავლეთმა ხელი უნდა შეუწყოს ისეთი პარტიების კოალიციის შექმნას, რომელიც უთანაგრძობს ლიბერალურ-დემოკრატიულ იდეალებს. უკვე მოვიდა დრო იმისთვის, რომ საქართველოში გაჩნდეს პროდასავლური კოალიცია, რომელსაც მხარს უჭერენ დაინტერესებული ძალები ევროპიდან და ამერიკიდან.

თამარ იაკობაშვილი, <http://blog.gmfus.org>

ალიან-ჩალიანი

## რუსული კომპანიები ჩვენი პორტალებში დაინტერესდნენ

საქართველოს პრემიერ-მინისტრის სპეციალური წარმომადგენელი რუსეთთან ურთიერთობის საკითხებში, ზურაბ აბაშიძე აცხადებს, რომ რუსეთის სპეციალურ წარმომადგენელ გრიგორი კარასინთან შესვედრის ფორმატში შესაძლოა საინვესტიციო კომერციული პროექტების განხორციელების საკითხი განიხილოს.

– ჩემი კოლეგის და ჩემი განცდა ასეთია – ის დღის წესრიგი, რომელიც ჩვენ გასულ წელს ჩამოვაყალიბეთ, თითქმის 80%-ით უკვე შესრულებულია და ალბათ უახლოეს თვეებში დღის წესრიგი შეიძლება სრულად ამოწურეთ იდეც.

არის მოსაზრებები შემდეგ ეტაპზე რა შეიძლება გაკეთდეს. ერთ-ერთი იდეა ასეთია – ხელი შევუწყობთ საინვესტიციო კომერციული პროექტების განხორციელებას. ეს შეიძლება იყოს ერთობლივი ან საერთაშორისო პროექტები, მაგრამ იქნება დიდი, საინტერესო კომერციული პროექტები, რომელშიც რუსეთის მხარეც იქნება დაინტერესებული და ჩვენი მხრიდანაც. მაგალითად, ერთ-ერთი ასეთი პროექტი არის ის, რომ რუსული კომპანიები დაინტერესებული არიან ჩვენი საპორტო ინფრასტრუქტურის გამოყენებით; კერძოდ, ფოთი-ბათუმი. უნდათ, რომ საქონელი ამ პორტებით გაიტანონ უცხოეთში, – განაცხადა აბაშიძემ.

### საქართველოს პარლამენტის შემთხვევაში აქიპაზა იქიკალება ბერძენების – „ორგანიზაციის“, „ბიოს“, „ეკოს“ გამოყენება

სურსათის უვნებლობის სამსახურის ინფორმაციით, 2014 წლის 1 იანვრიდან ძალაში შედის საქართველოს მთავრობის 2013 წლის 30 ივლისის №198 დადგენილება „ბიონარმოების შესახებ“, რომლის თანახმად, პროდუქტის, მათ შორის, სურსათის ეტიკეტზე იკრძალება ტერმინების – „ორგანიზაციის“, „ეკოს“, „ბიოს“ გამოყენება, თუ პროდუქტი-სურსათი არ არის ამ დადგენილების მოთხოვნების შესაბამისად დამზადებული.

იმისათვის, რომ ბიზნესოპერატორს მიეცეს უფლება, ეტიკეტზე დაიტანოს მსგავსი აღნიშვნები, აუცილებელია, მთელი საწარმოო ჯაჭვი იყოს სერტიფიცირებული შესაბამისი აკრედიტაციის მქონე ორგანოს მიერ.

ინტერპრესი













❶ ძიუდო

ტოპიო უმასპინძლებს



იბანოვის დედაქალაქი 29 ნოემბრიდან I დეკემბრამდე ძიუდოისტთა დიდი სლემის ტურნირს

უმასპინძლებს. საქართველოს ნაკრები შეჯიბრებაში ასეთი შემადგენლობით ჩაებმება: ლუსუმ ჩხვიშიანი (60 კგ), ფრიდონ გიგანი (73), ავთანდილ ჭრიკიშვილი, უშანგი მარგანი (ორივე - 81), ვარლამ ლიპარტელიანი (90) და ალექსანდრე მსხალაძე (100), ლევან მათიაშვილი, გიორგი ზაქარიაძე (ორივე - +100). ტურნირის შემდეგ ქართველი ძიუდოისტები ტოკიოში ერთობლივ საწვრთნელ შეკრებაზე დარჩებიან, რომელშიც შემოაღნიშნულ ფალავნებთან ერთად მონაწილეობას მიიღებენ ამირან პაპინაშვილი, ლაშა შავ-

დათუაშვილი, ნუგზარ ტატაშვილი, ზებედა რეხვიაშვილი, ნოდარ მეტრეველი და ადამ ოქრუაშვილი.

ძიუდოს საერთაშორისო ფედერაციამ 2014 წლის შეჯიბრებათა კალენდარი გამოაქვეყნა. გაისად საერთაშორისო ტურნირების სეზონი 1-2 თებერვალს ევროპის ღია პირველობით გაისხნება, მაგრამ ჯერ უცნობია, რომელ ქვეყანაში. 8-9 თებერვალს პარიზის დიდი სლემია გათვალისწინებული, 21-23 მარტს მსგავსი ტურნირი თბილისში დაგეგმილი, 24-27 აპრილს ევროპის ჩემპიონატი მონპელიეში (საფრანგეთი) გაიმართება, 25-31 აგვისტოს ჩელიაბინსკი (რუსეთი) მსოფლიოს ჩემპიონატს უმასპინძლებს.

ლემსო ცინცაძე

❷ კრივი

ჩემპიონები ბაქოში იასპარეზებენ


1996-1997 წლებში დაბადებული მოკრივეები მონაწილეობდნენ საქართველოს პირველობაში, რომელსაც სამი დღის განმავლობაში ახალქალაქი მასპინძლობდა. საასპარეზოდ თავი მოიყარა სხვადასხვა რეგიონის 70-მა მოკრივემ. გამარჯვებულები გამოვლინდნენ 9 წონით კატეგორიაში. კვარცხლბეკის უმაღლეს საფეხურზე ავიდნენ ლაშა კობახიძე (49 კგ, გორი), ლევან კლდიაშვილი (52, ქუთაისი), ლევან ანთია (56, ფოთი), ლაშა გურული (60, რუსთავი), გიორგი დოლიაშვილი (64, გორი), ნოდარ აბულაძე (69, თელავი), რობერტ სიმონიანი (75, ახალქალაქი), გიორგი ზედგინიძე (81, გორი), დემურ მაჭარაშვილი (+81, ქუთაისი). ჩემპიონებით დაკომპლექტებული საქართველოს ნაკრები ბაქოში მოკრივეთა საერთაშორისო ტურნირში იასპარეზებს.



გივი გაგუა

❸ კალათბურთი

ქართველთა „სარაგოსამ“ ბერლინელები გაანადგურა



ვიტორ სანიკიძის და გიორგი შერმაღინის „სარაგოსამ“ ევროტასზე მე-4 გამარჯვება იზეიმა და D ჯგუფის მონაწილე სამ გუნდს შორის შეაღწია, რაც მომდევნო ეტაპზე გასვლის წინაპირობაა.

ესპანურმა კლუბმა ბერლინის „ალბა“ მიიღო და გერმანელთა ძლევა არ გასჭირვებია - 75:50. ქართველ კალათბურთელთაგან სასტარტო ხუთეულში შერმაღინი იყო და 15:20 წუთში 2 ქულა და 4 მოხსნა მიითვალა. გიორგიმ 2-დან 1 ორქულიანი ჩააგდო, ბურთი 2-ჯერ დაკარგა და 2 პერსონალური ფოლი მიიღო.

უფრო შედეგიანი იყო სანიკიძე, რომელმაც 20:54 წუთში 7 ქულა და 2 მოხსნა მოაგროვა. ქართველმა ფორვარდმა 3-დან 2 ორქულიანი და 5-დან 1 სამქულიანი გამოიყენა, ერთხელ შეცდა და ამდენჯერვე დაჯარიმდა.

ევროტასის D ჯგუფს 5-5 მოგებით ფრანგული „გრანველინი“ და სსენებული „ალბა“ ლიდერობენ, „სარაგოსამ“ და კიდევ ერთ გერმანულ კლუბ - „ბონს“ 4-4 გამარჯვება მოუგროვდათ, შემდეგ კი იტალიური „რომა“ (2) და ბელგიური „მონსი“ (1) მოდიან.

4 დეკემბერს სარაგოსელები ბონის „ტელეკომ ბასკეტსს“ უმასპინძლებენ.

ვიტალი ჯაფარიძე

❹ ინტერნეტიდან

კალესონის თავისნათქვამი სატრფო

მსაბნეთიდან იტალიაში გადაბარებული ესპანელი ფეხბურთელის სოსე კალესონის სატრფო მარტა პაოლო ცოცხალი თავით არ აბირებს შეყვარებულთან იტალიაში საცხოვრებლად ჩასვლას და აქეთ ემუქრება: „თუკი სოსე იმ უბედურ იტალიის სამხრეთში საცხოვრებლად წასვლას მთხოვს, იმწუთში დაგშორდები“.

ახირებულ ქალს ჩვენს ტანჯულ პლანეტაზე აბა რა დაღვეს, მაგრამ, როგორც ჩანს, კალესონის მეგობარი გოგო აშკარად ნამეტანი წუნია და თავისნათქვამა ვინმეა, თორემ დღისით-მზისით, ამოდენა მედიის წინ ასეთ სისულელეებს არ დააზღერებდა და განეაპოლიტანებულ შეყვარებულს (რომელთანაც ერთი შვილი უკვე ჰყავს) თავს არ მოსჭირდა.

ისე, ეს ჩვენი მარია პაოლო ბერეს კი იმუქრება, მაგრამ აგერ უკვე ხუთი წელიწადია, სოსე კალესონს ხვდება და სხვაგან გახედვას (ყოველ შემთხვევაში, შორიდან ასე ჩანს) არ აპირებს. მადრიდის „რეალიდან“ გამობუნძულულ კალესონს შეიძლება მთლად ლეო მესისთან ავტორიტეტი არა აქვს, მაგრამ მაინც ცნობილი ფეხბურთელია.

როსტომ რაჭველიშვილი



playersgf.blogspot.com

❺ ფეხბურთი

ბოლები ჩქარა!..



ჩემპიონთა ლიგის ოთხშაბათის რაუნდის 8 შესვენებაში 36 ბურთი გავიდა (საშუალოდ 4,5 - ერთ მატჩში). ბომბარდირთა ასეთი მონაგარი ძალაუნებურად გაფიქრებინებს კაცს - მოახლოებული მუნდიალის წინ სომ არ აჩქარდნენ კონტინენტის ელიტური კლუბების თავკაცები, თავიანთ ვარსკვლავებს გვიან შემოდგომაზევე რომ ააკრფინეს სათანადო კონდიციები?

ჩვენთვის ეს, იცოცხლეთ, სასურველიც კია. ერთი ეგაა, ზაფხულში არ გაგვიდეს დღევანდელი ბოლების წვიმა სანანებელი.

„ა“ ჯგუფი. „ლევერკუზენი“ - „მანჩესტერი“ 0:5, „შახტარი“ - „სოსიედაი“ 4:0.

„მანჩესტერი“ - 11, „შახტარი“ - 8, „ლევერკუზენი“ - 7, „სოსიედაი“ - 1 ქულა.

„ბ“ ჯგუფი. „რეალი“ - „გალათასარაი“ 4:1, „იუვენტუსი“ - „კოპენჰაგენი“ 3:1.

„რეალი“ - 13, „იუვენტუსი“ - 6, „გალათასარაი“, „კოპენჰაგენი“ - 4-4.

„გ“ ჯგუფი. „ანდერლექტი“ - „ბენფიკა“ 2:3, „პარი სენ-ჟერმენი“ - „ოლიმპიკოსი“ 2:1.

„პარი სენ-ჟერმენი“ - 13, „ოლიმპიკოსი“, „ბენფიკა“ - 7-7, „ანდერლექტი“ - 1 ქულა.

„დ“ ჯგუფი. ცსკა - „ბაიერი“ 1:3, „სიტი“ - „პლზენი“ 4:2.

„ბაიერი“ - 15, „სიტი“ - 12, ცსკა - 3, „პლზენი“ - 0 ქულა.

გიორგი შოთაძე



❻ თაობა

პირდაპირ უნდა ითქვას - გაგვიმართლა!

ბსმთ მეტოქეებს, ალბათ, ბევრი ინატრებდა. საქართველოს ჭაბუკთა ნაკრებზე მოგახსენებთ, რომლებიც გაისად შემოდგომაზე 2015 წლის თანატოლთა ევროპის ჩემპიონატების საკვალიფიკაციო ეტაპზე ითამაშებენ.

გაუწყებთ კენჭისყრის შედეგებს.

17-წლამდელები. საქართველო, პოლონეთი, ესტონეთი, ლიტენშტეინი.

19-წლამდელები. საქართველო, რუმინეთი, კვიპროსი, მონტენეგრო.

დავძენთ, რომ შესარჩევი ტურნირების გამართვის ადგილები მოგვიანებით დაზუსტდება, აღნიშნული ასაკობრივი ჯგუფებიდან კი ელიტ-რაუნდში ორ-ორი საუკეთესო გუნდი გავა.



მანუჩარ გიორგაძე

ანაკლიას ღირსეულობა არ აკლია!

აშენების რა პერსპექტივა აქვს ანაკლიის პორტს?

(მეამხმარე გვიჩვენებს)

რაც შეეხება ანაკლიის უპირატესობას, ექსპერტი განმარტავს, რომ, თუ ჩვენ გვინდა დიდი ფუნქციის შესრულება, ანუ სერიოზული სატრანსპორტო კვანძის შექმნა, ანაკლიის პროექტი უნიკალურია თავისი საინჟინრო გადაწყვეტით და მასშტაბით. ამიტომ ექსპერტი ახალი მთავრობის გადაწყვეტილებას იწონებს, რომელსაც სურს, დარწმუნდეს ამ პორტის უნიკალურობაში და ამისთვის 5 მილიონი დოლარი გაიღოს.

მით უმეტეს, რომ ეს იქნება არა მარტო ანაკლიის პორტი, არამედ საუბარია აღმოსავლეთ-დასავლეთის დამაკავშირებელ სერიოზულ სატრანსპორტო კვანძზე. ფაქტობრივად, სდება ოთხი სატრანსპორტო საშუალების კონცენტრირება ერთ ადგილზე და ამასთან, ამოქმედდება მილგაყვანილობაც. ასე რომ, დემურ გიორგაძის აზრით, 5 მილიონი ნამდვილად ღირს ამ დიდი პროექტის რეალიზაციისთვის.



„უშუალოდ პორტი და მისი შემოგარენი, კონსტრუქციები უნდა იქნას, 2 მილიონ დოლარამდე, მთლიანად ინფრასტრუქტურა კი, — თითქმის 9 მილიონამდე. ამ თანხის მოძებნა პრობლემა არ არის, მთავარია, მთავრობის სწორი პოზიცია და მისი პოლიტიკური ნება. მთავრობამ უნდა მიანიშნოს სახელმწიფოებს, რომ იგი დაინტერესებულია ასეთი მასშტაბური, ბრწყინვალე პროექტის რეალიზაციით. იმისთვის, რომ ამ პროექტის დასაფინანსებლად მონაწილე იქნან ინვესტორები, დასავლეთში მიღებული სტანდარტებით, საჭიროა არა მხოლოდ ბიზნესგეგმა, არამედ ცნობილი აუდიტორული კომპანიის დასკვნებიც, რომელიც სერიოზულ შესწავლას ეფუძნება.“, — აცხადებს დემურ გიორგაძე For.ge-სთან საუბარში და ფიქრობს, რომ ქართულ-

მა მხარემ ხარკი უნდა გაიღოს ამ მიმართულებით.

კერძოდ, სავარაუდოდ, მთავრობა დაიქირავებს ცნობილ საკონსულტაციო ფირმებს, რომლებიც შეისწავლიან ამ პროექტის მასშტაბებს, მისი ფუნქციის რეალიზაციის შესაძლებლობებს და მიიღებენ დადებით დასკვნას პროექტის რეალიზაციისთვის. ამას კი ხელს შეუწყობს ამ პროექტის ცნობადობა როგორც ევროპაში, ისე ამერიკასა და აზიაში.

„სააკაშვილი ამ პროექტზე არ საუბრობდა. მართალია, წინა მთავრობამ იცოდა ამ პროექტის შესახებ, მაგრამ მათ აიკვიატეს ლაზიკა.

პორტს თავისი პატრონი ჰყავს, ბიზნეს-კონგლომერატ „მაერსკის“ სახით და მას საკმაოდ სერიოზული გეგმები აქვს. ამდენად, მათ საქმიანობაში მთავრობა ვერ ჩაერევა. რაც შეეხება ანაკლიის პორტს, ექსპერტის თქმით, ჯერ არ მომხდარა ანაკლიის დეტალური შესწავლა, თუ საიდან მოდის ტვირთები, რა სახის ტვირთებია და ა.შ. ამიტომ უნდა გაირკვეს, თვითონ პროექტის ავტორს რაზე აქვს აქცენტი გადატანილი, უნდა შეისწავლოს მისი საჭიროების საკითხი.

„ანაკლია რაზეა გათვლილი, ვერ გეტყვი და რეალურად ეს არაფერი იცის. ვისაც არ უნდა ჰქონოთ საქართველოში, მხოლოდ ვარაუდს გამოთქვამენ. ეს პოლიტიკური ლაპარაკი უფროა, ვიდრე ციფრები და კონკრეტული გეგმები“, — აცხადებს ემზარ ჯგერენია.

არის თუ არა 5 მილიონი დოლარი დიდი თანხა, ექსპერტს ამის თქმა უჭირს. თუმცა ადასტურებს, თუ მსოფლიოში ცნობილ კომპანიას შეუკვეთავთ ამ საკითხის შესწავლას, შესაძლოა, ეს თანხა ცოტაც იყოს. ხოლო, თუ შეუკვეთავთ ქართულ კომპანიას, შეიძლება, ბევრიც იყოს.

„აქ მნიშვნელოვანია, რა კვლევა არის შეგეითილი — ქვეშ ნაშალი ინერტული მასალების მოძრაობა, ლიანდაგის გაყვანის საკითხი, ტერმინალების ადგილმდებარეობა, რკინიგზის გადგომის საკითხი, ქსოვის ამოშრობა, — უამრავი რამ არის შესასწავლი და, ალბათ, კვლევას უცხოელს შეუკვეთავენ, რადგან ჩვენ ამის სპეციალისტი არ გვაქვს“, — აღნიშნა ემზარ ჯგერენია.

მისი თქმით, ანაკლიის პორტის დანიშნულება აბსოლუტურად სხვა მიმართულებას და ის არ უნდა განვიხილოთ ფოთის პორტის ანალოგიურად. თუმცა ერთიგვარადა, ანაკლიის პორტი, ყველა შემთხვევაში, იქნება ფოთის პორტის კონკურენტი, ისევე, როგორც ყუღევის, ბათუმის პორტების კონკურენტი.

მანანა ნოზაძე

თანამედროვე მონოპოპია

ბიძია თომას უთამოვავლები

ნაშთობის ბიზნესზე უფრო სარფიანი საქმე, გაეროს მონაცემებით, იარაღით, ნარკოტიკებით უკანონო ვაჭრობა, ასევე მეფარეობა და, 21-ე საუკუნეში რაოდენ გამაოგნებელიც არ უნდა იყოს... ადამიანთა მონებად გაყვანა ან არალეგალურ ბიზნესში ყოველწლიურად ასობით მილიონი დოლარი ტრიალებს, მათი მწარმოებელი დანაშაულებრივი სინდრომები და ნაშუსტრეცნილი მონებები საარაპოდ მდიდრებიან, მსოფლიო თანამედროვეობა მათ დღენიანად ებრძვის, მაგრამ სასწორის პინა, დღესდღეობით მაინც, ამ უკანონობაშია ჩამდენთა მხარესა.

„შავი ბიზნესის“ სხვადასხვა სახეობის შესახებ მსოფლიო მასშტაბში უამრავი კრიტიკული მასალა ისტამბება, ტელე და რადიოგადაცემა ეძღვნება, მაგრამ წინამდებარე მასალაში, გარკვეული მიზეზით, მის მხოლოდ ერთ-ერთზე, კერძოდ ადამიანთა მონობაზე გვექნება საუბარი, რომლის სხვადასხვა სახეობის შესახებ მონაცემები ავსტრალიის უფლებდაცველ ორგანიზაციას „უოლქ ფრი

ფაუნდეიშის“ (Welk Free Foundation), გამოკვლევაში „მონობის მსოფლიო ინდექსი — 2013“-შია (Global Slavery Index) მოყვანილი. ავსტრალიური ორგანიზაციის მოღვაწეობის მთავარი მიმართულება თანამედროვე საზოგადოებაში მონობასთან ბრძოლაა, რომლის ფარგლებში ექსპერტებმა მსოფლიოს 162 ქვეყანაში შესაბამისი კვლევები ჩაატარეს.

საბოლოო ანგარიშში თანამედროვე მონობის ყველა ფორმაა ასახული, მათ შორის ქორწინების ძალდატანება, ადამიანებით ვაჭრობა, იძულებითი შრომა, გოტონების სასტიკი მეთოდებით წინადაცვეთა, ბავშვების შრომის ექსპლუატაცია, დაძალებითი მეფარეობა, კრედიტორებზე დამოკიდებულება და სხვა, ანუ ყველა ის ფორმა, რომელიც ამ უმწვავეს პრობლემასთან დაკავშირებით არაერთ საერთაშორისო შეთანხმებაშია აღწერილი და რომლებზეც მსოფლიო ქვეყნების უმრავლესობას ხელი აქვს მოწერილი.

თანამედროვე მონობის სხვადასხვა სახეობის მონობისგან

სხვებზე მეტად თავისუფალი ქვეყნებია ისლანდია, ირლანდია, დიდი ბრიტანეთი, დანია, ფინეთი, ლუქსემბურგი, ნორვეგია, შვედეთი, შვეიცარია და ანალი ზელანდია. მსოფლიოში მონობის მხრივ კი საველადო ლიდერები არიან მაგრიტანია, პატი, პაკისტანი, ინდონეზია, ნებალი, მოლდოვა, ბენინი, კოტ დ'ივუარი, გამბია და გაბონი.



ეს შედეგი, ვფიქრობთ, დიდად გასაკვირი არ უნდა იყოს. მხედველობაში გვაქვს ის გარემოება, რომ ადამიანთა პიროვნული არჩევანის თავისუფლების მხრივ მონობისგან, ძირითადად, ჩრდილო-დასავლეთი

მეუღლე რომან შაქარიშვილი, შვილები ლევა, გიორგი, შვილიშვილები სოფო, ნიკუშა, გოგა, ირაკლი, ლუკა, ნატა, რძალი ეკა ასათიანი, სიძე ნუგზარ ქვეციანი იუნჯებიან, რომ გარდაიცვალა

**მანანა სარიშვილი**

პანაშვიდი 29, 30 XI, 17 სთ. დაკრძალვა I XI, 14 სთ. მისამართი: ირ. აბაშიძის №14.

---

საქართველოს მეცნიერებათა ეროვნული აკადემია და მისი საზოგადოებრივ მეცნიერებათა განყოფილება ღრმა მწუხარებით იუნჯებიან, რომ გარდაიცვალა აკადემიკოს რომან შაქარიშვილის მეუღლე

**მანანა სარიშვილი**

და სამძიმარს უცხადებენ განსვენებულის ოჯახს.

---

საქართველოს მეცნიერებათა ეროვნული აკადემიის ფიზიოლოგიისა და მედიცინის განყოფილება ღრმა მწუხარებით იუნჯება, რომ გარდაიცვალა აკადემიკოს რომან შაქარიშვილის მეუღლე

**მანანა სარიშვილი**

და სამძიმარს უცხადებენ განსვენებულის ოჯახს.

---

კლინიკური მედიცინის სამეცნიერო-კვლევითი ინსტიტუტის კოლექტივი თანაგრძნობას უცხადებს აკადემიკოს რომან შაქარიშვილს მეუღლის

**მანანა სარიშვილის**

გარდაცვალების გამო.

---

ფრიდონ თოდუა ოჯახით თანაგრძნობს კოლეგასა და მეგობარს, საქვეყნოდ ცნობილ მკურნალსა და მეცნიერს რომან შაქარიშვილს მეუღლის

**მანანა სარიშვილის**

გარდაცვალების გამო.

---

გაზეთ „საქართველოს რესპუბლიკის“ რედაქციის თანამშრომლები თანაგრძნობენ ბატონ რომან შაქარიშვილს მეუღლის

**მანანა სარიშვილის**

გარდაცვალების გამო.

---

რუსუდან და ივა ბერაძეები ღრმა მწუხარებას გამოხატავენ ღირსეული ქალბატონის

**მანანა სარიშვილის**

გარდაცვალების გამო და სამძიმარს უცხადებენ მის მეუღლეს, ბატონ რომან შაქარიშვილს, შვილებს ლევას და გოგას.

---

საქართველოს მეცნიერებათა ეროვნული აკადემია და საზოგადოებრივ მეცნიერებათა განყოფილება ღრმა მწუხარებით იუნჯება, რომ გარდაიცვალა აკადემიკოს ავთანდილ სილაგაძის ძმა

**ელგუჯა სილაგაძე**

და სამძიმარს უცხადებენ განსვენებულის ოჯახს.

---

გაზეთ „საქართველოს რესპუბლიკის“ თანამშრომლები თანაგრძნობენ ბატონ ავთანდილ სილაგაძეს ძმის

**ელგუჯა სილაგაძის**

გარდაცვალების გამო.

---

გორის სახელმწიფო სასწავლო უნივერსიტეტის პროფესორ-მასწავლებლები თანაგრძნობას უცხადებენ უნივერსიტეტის რექტორს გიორგი სოსიაშვილს მამის

**ნოდარ სოსიაშვილის**

გარდაცვალების გამო.

● ჩვენი კარაბადინი

გახდომის გაქტივება... მუშიაბიდან

პარამარდის უნივერსიტეტში ჩატარებული კვლევების შედეგად დაადგინეს, რომ არსებობს მიკროლოგანიზმები, რომლებსაც ნებისმიერი ქარი წონის მქონე ადამიანის ტანწერწერად გადაქცევა შეუძლიათ.

არინად ადამიანები, ვინც არანაირ დიეტას არ იცავენ, ჭამენ, რამდენიც მოესურვებათ და დღე-ღამის ნებისმიერ დროს, მაგრამ ტანზე შედმეტი ცხიმის გრამსაც არ იმატებენ. ზოგი მსუქანი კი არც პურს ჭამს, დიეტას იცავს, ფიზიკურადაც ვარჯიშობს შედმეტი წონის დასაგდებად, მაგრამ არაფერი გამოსდის. რატომ ხდება ასე? — ამ კითხვებზე პასუხის გაცემას მეცნიერები დიდი ხანია, ფიქრობენ. ბოლო დროს კი ეჭვი იმაზე მიიტანეს, რომ ადამიანის წონაზე არა იმდენად ცხოველების წესი და გენები მოქმედებს, რამდენადაც მიკროფლორა, ანუ ის ბაქტერიები, რომლებიც საჭმლის მონელებაში მონაწილეობენ.



ბრძოლის ყველაზე ეფექტიან საშუალებას მიიღებს. სიგამხდრის ბაქტერიებს ოკლაჰომის უნივერსიტეტის მეცნიერებიც ეძებენ, თუმცა კი, ისინი სხვა გზით მიდიან, რადგან დარწმუნებულნი არიან, რომ გასუქების ამჟამინდელი ტენდენცია ანტიბიოტიკების მოხმარებითაა გამოწვეული. საქმე ისაა, რომ ადამიანის კუჭში მოხვედრილი ანტიბიოტიკები პირველ რიგში ბრძოლას ადგილობრივ, სასარგებლო ბაქტერიებს უწყებენ. ამის შედეგად, ამ „ხოცვა“-ულეტას გადაარჩენილმა ბაქტერიებმა სულ სხვა სახე მიიღეს და ახლა დამახინჯებულ ნივთიერებათა ცვლაში მონაწილეობენ, ანუ ორგანიზმს ჭარბი წონის აკრეფაში უწყობენ ხელს.

მეცნიერები ვარაუდობენ, რომ საჭიროა იმ „სწორი“ ბაქტერიების მიგნება, რომლებიც ადამიანის კუჭში ანტიბიოტიკების გამოგონებამდე ცხოვრობდნენ და მათი უკან დაბრუნებაა საჭირო. შედეგად ადამიანებში ნივთიერებათა ნორმალური ცვლა მაშინ დაიწყება და ისინი გახდებიან.

მაგრამ ისმის კითხვა: სად შეიძლება შემორჩენილიყო ეს ბაქტერიები? მათი წყარო, ალბათ, ბევრს არ მოეწონება, მაგრამ მეცნიერებმა ისინი... ძველი სამხრეთამერიკული მუმიების კუჭ-ნაწლავიდან ამოიღეს, თანაც უპირატესობას უფრო ძველებს ანიჭებდნენ, რომელთა ასაკი დაახლოებით 3 ათასი წელია.

ძველი ბაქტერიები მართლაც განსხვავდებიან თანამედროვეებისგან დნე-ს დონეზე, — ამბობს კვლევის ერთ-ერთი ავტორი სესილი ლიუსი. მისი აზრით, ბაქტერიების სახეცვლა არა მარტო ანტიბიოტიკების, არამედ ქლორირებული წყლის ზეგავლენითაც ხდება.

ახლა ჯერი ექსპერიმენტებზე მიდგა. მუმიებიდან ამოღებულ ბაქტერიებს მკვებავ გარემოში გაამრავლებენ და თავდაპირველად მსუქან ვირთავებს, შემდეგ ადამიანებს შეუყვანენ...

ინეო ალექსანდრია

● ჩვენი პრასლაიჯისტი

კუჭში და გულისკუნთთან



„სააკაშვილი პოლიტიკიდან კი არ წავიდა, ძველიდან გაიძცა“

— დარწმუნებული ვარ, — და, ეს იყო პანიკური გაქცევა, რადგან მისი ფსიქიკიდან გამომდინარე, სულ იმის მოლოდინში იყო, რომ დაიჭერდნენ. სახელმწიფო თვითმფრინავით გაიქცა, თუმცა, თვითმფრინავი დააბრუნა, რადგან იცოდა, რომ ეს კიდეც ერთი სისხლის სამართლის დანაშაული იქნებოდა. აქედან კი გაიქცა, მაგრამ დასავლეთისთვის სააკაშვილი იყო და დარჩა თავის ტკივილად. მართალია, უცხოეთშიც კარგად იცოდნენ, რასაც ის ამ წლების განმავლობაში თავის ქვეყანაში სჩადიოდა, მაგრამ ამჯერად მათ გამოიმუშავეს ასეთი მიდგომა, რომ სააკაშვილმა ბევრი რამ გააკეთა საქართველოში დემოკრატიის განვითარებისთვის და სახელმწიფოს აღმშენებლობისთვის, თუმცა, ჰქონდა შეცდომები... სააკაშვილი თავის გაქცევას ქვეყნიდან ასე ხსნის უცხოური პრესისთვის მიცემულ ინტერვიუებში, თითქოს საქართველოდან იმიტომ წავიდა, რომ მას აუცილებლად დაპატიმრებდნენ, ხოლო მისი დაპატიმრება მაშინვე სამუდამოდ გადაუღობავდა გზას საქართველოს ევროპისკენ.

„რაზონსი“

ლეკიშვილი არჩევნებში კენჭს იყრის?

თბილისის ყოფილმა მერმა ნიკო ლეკიშვილმა, შესაძლოა, არჩევნებში კენჭი იყაროს. მისი განცხადებით, თვითმმართველობებთან დაკავშირებით ძალიან სერიოზული მსჯელობა მიმდინარეობს და თუკი იქნება მისთვის მისაღები კონფიგურაცია, შესაძლებელია საკრებულოში, როგორც დამოუკიდებელმა დეპუტატმა, კენჭი იყაროს. ლეკიშვილის შეფასებით, ჯობდა კოალიციის მერობის კანდიდატს დავით ნარმანიას პროგრამულ საკითხებზე საუბარი არ დაეწყო. როგორც ნიკო ლეკიშვილმა აღნიშნა, დავით ნარმანიას მიერ წარმოდგენილი 41 საკითხი არ არის საკმარისი თბილისის პრობლემების გადასაჭრელად. მისივე თქმით, მას შეუძლია 41-ჯერ 41 პრობლემა ჩამოთვალოს, რომელიც თბილისს აწუხებს.

„ალია“

„ივანიშვილი პოლიტიკა ფორმალურად დატოვა“

— ამბობს პარტია „მომავალი საქართველოს“ ლიდერი გიორგი ლალიძე, — თუმცა, მე ასე არ მივიჩნევ. ის უბრალოდ გადავიდა ჩრდილში და სურვილის შემთხვევაში, ძალიან თავისუფლად შეიძლება მოახდინოს ზეგავლენა პოლიტიკურ პარტიებზე. რაც შეეხება კოალიციის მხრიდან მერობის კანდიდატად დავით ნარმანიას დასახელებას, მიმაჩნია, რომ ეს არ არის ასე იოლად გადასაწყვეტი საკითხი და ასეთი მიდგომა საკითხისადმი ნიშნავს იმას, რომ „ქართული ოცნება“ კიდეც ერთხელ შეეცდება ხალხს თვალელებში ნაცარი შეაყაროს. არ შეიძლება ქვეყანაში ერთი კაცის ხათრით ავირჩიოთ პრეზიდენტი, პრემიერ-მინისტრი და მისივე რეკომენდაციით ავირჩიოთ ქალაქის მერი.

„ახალი თაობა“

რეკლამა გ. ახვლედიანის ქ. „საქართველოს რესპუბლიკაში“ 299-62-77; 599 32-85-76.

● ცინცხალი ანეკდოტები

ალბადინი დიდხანს ხეხავდა ჯადოსნურ ლამპას. ლამპა ცანცანებდა და ხმამაღლა კვნესობდა. მერე სიგარეტი ითხოვა.

- ფორთოხასზე შეჭამ?
- არა.
- თუ გაგარჩევ?
- კი.

- რამდენი შეიძლება ფულის შოვნა, თუ მარტო კომპიუტერი და ფულის გამოიმუშავების სურვილი გაქვს?

- კომპიუტერის გაყიდვით.

მბრახვით ოჯახში ვახშობის შემდეგ მამა ურევავს შვილს:



- შვილო, აწი ჩვენთან ნულარ მოხვალ.
- რატომ, მამა?
- შენი წასვლის შემდეგ ვერცხლის კოვზები დაგვეკარგა.
- მე არ წამიღია, მამი, ღმერთმანი!
- ვიცი შვილო, კოვზები ვიპოვეთ, მაგრამ უსიამოვნო შეგრძნება ხომ დარჩა...

- ეძიებო, რაღაც არ მაქვს რიგზე. ახლანახან მხოლოდ ორმოცისა გაგხდო, მაგრამ სარკეში რომ ჩაიხედავ, რას ვხედავ? სიმელოტე, დანაოჭებული სახე, დამჭკნარი ლოყები, ჩაცვნილი კბილები... რა მჭირს?

- ზუსტად თქმა არ შემიძლია, მაგრამ იქნებ არც ისე ცუდააა თქვენი საქმე? ყოველ შემთხვევაში მხედველობა ნაღდად კარგი გაქვთ.

● კბერი



ავტორთა საჭურავლოდ! რედაქციის მიერ შეუქვეთავი მასალები დაიბეჭდება ავტორთა ხარჯით. ავტორთა მოსაზრებები, შესაძლოა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აგებენ ავტორები.

საქართველოს რესპუბლიკა SAKARTVELOS RESPUBLIKA გ. ახვლედიანის (მრფივი) პერმისიონის) ქ. 19 056020 66434

გამომცემელი: შპს „თანამდგომარეობა“ საქართველოს რესპუბლიკის „გამომცემელი“ ტ. 599 79-76-79 შპს „ახალი საუკუნე“ იბეჭდება „კოლორში“ (რკინიგზის ჩიხი, № 20) uac(უაკ) 070.4(479.22) 3-323 ISSN 2233-3851 9 772233 1385001

მთავარი რედაქტორი ალექს ასლანიშვილი 299-62-77; 599 56-81-86

პასუხისმგებელი რედაქტორები: გურამ გომიგაშვილი 599 53-76-16; რუსლან რუსია 599 17-21-21; საბრტაქ ქოშულია 599 36-00-35 პასუხისმგებელი მდივანი მამუკა გვაშაძე 514 33-33-24